



4. NEWSLETTER 2021-03



Planvenguts a la quatrena letra d'informacion deu projècte LINGUATEC

Le projècte europèu LINGUATEC, qui a per mira de desvolopar, demostrar e difusar navèras ressorsas, utís e aplicacions lingüísticas innovadoras qui melhoren lo nivèu de numerizacion de l'aragonés, deu basco e de l'occitan qu'ei adara en la soa darrèra linha dreita. Aqueste bulletin d'informacion qu'arrecapta çò de mei destacar de l'amassada deu consòrci recentament tienuda, los talhèrs organizats per las setmanas e mes a vièner e, mei que tot, que presenta VOTZ, lo purmèr utís de sintèsi vocau en occitan.



Presentacion de la purmèra sintèsi vocau entà l'occitan

Lo 23 de heurèr passat, que presentèm [VOTZ](#) a Pau, lo purmèr utís de sintèsi vocau en occitan. Que s'ageish d'un pas gran tau desvolopament tecnologic de l'occitan. VOTZ que n'ei un resultat deus gèncers d'aqueste projècte de cooperacion transfronterèra, desvolopat peu Congrès permanent de la lenga occitana, dab l'ajuda d'Elhuyar, sòcia tecnologica e coordinadora deu projècte LINGUATEC.

Per [aqueth ligam](#) que's pòt conéisher l'acte de presentacion.

Ací devath qu'avetz l'impacte qu'a avut la presentacion capvath mantuns mèdias :

- [Jornalet](#)
- [Euskal Irratiak](#)

[Mei d'entersenas](#)



[Amassa deu consòrci a Pau](#)

Lo 23 de heurèr passat, los 5 sòcis deu projècte LINGUATEC que ns'amassèm a Pau. En aquera amassada, que's hasó lo bilanç deu nivèu de desvolopament tecnologic atenhut, e que's concretizè lo calendari d'eveniments prevists dinc a junh. A maugrat deu COVID-19, que's ratifiquè lo bon anar que lo projècte e mantien : que prevedem d'aténher tots los objectius planificats.

Lo desvolopament de tecnologies lingüísticas basadas en l'intelligéncia artificialu qu'ei fundamentau entà l'avançada de las lengas minoritàrias de sengles costats deus Pirenèus. Qu'ei ua aliança transfronterèra la qui fòrma lo projècte LINGUATEC, ua coalicion necessària au noste sègle.

[Mei d'entersenas](#)

[Los rendetz-ve màgers de LINGUATEC](#)

Lo projècte LINGUATEC qu'ei adara en la soa darrèra linha dreita, e pendent los mes a vièner mantuns eveniments que seràn organizats entà presentar los resultats obtenuts. Aqüi qu'avetz los rendetz-ve màgers de LINGUATEC :

23/02/2021	Pau	Presentacion de resultats
13/04/2021	Jaca	Presentacion de resultats e talhèr de demostracion
12/05/2021	Sent Sebastian/Tolosa	Presentacion de resultats e talhèr de demostracion
Data a definir	Sent Sebastian/Baiona	Presentacion de resultats e talhèr de demostracion
17/06/2021	Pau	Congrès LINGUATEC. Talhèrs de demostracion.
18/06/2021	Sent Sebastian	Congrès LINGUATEC. Talhèrs de demostracion.



Lo projècte EPT 227/16 Linguathec qu'estó aprovat en lo segond aperet a projècte POCTEFA dab un budgèt de 1 227 500 € e qu'ei cofinançat a 65% peu Hons Europèu de Desvolopament Regionau (FEDER) peu miei deu Programa Interreg V-A Espanha-França-Andòrra (POCTEFA 2014-2020).

